

山居述懷

泉石清幽好箇真游地香風散彩雲呈瑞日暖天和更時有珍禽戲嘉致總粧點山家况味外景充盈內景還相契丹爐畔虎龍交會女姪嬰嬌頻勸我傾金液沈醉但高臥晴霞影裏

贈油麪王廣道

廣道王三天賦精誠藝將油麪和調運製應物黏黏但做造由心意依理煅鍊在長生鑪內按候知時拈出真奇異光明燦馨香馥鼻試與嘗來又別是甘甜味妙矣堪獻入仙家筵會

喜遷鶯

贈康德機

道藏輯要

草堂集

三

茹集七

宿緣深重早省悟浮生都如一夢壯志回頭專心入道塵事豁然驅屏要脫死生輪轉認取元來本柄甚爲準待與君說破些兒捷徑日用持清靜積累內功外行心平等次泯貪嗔調和神氣休放馬猿馳騁萬里黑雲消散一點靈明光瑩仙路穩這回須免了改頭換影

憶王孫

自詠

云何便會做癡憨只爲黏黏世事諳度日隨緣不外貪處雲庵渴飲醜醜味轉甘

又